

善本方志輯·第一編

中國地方志集成

崇禎吳縣志(二)

中國地方志集成

善本方志輯·第一編 ③⑤

崇禎吳縣志(二)

鳳凰出版社●上海書店●巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社
編. -- 南京：鳳凰出版社，2014.5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編

著 作 者	本 社 編 選
責 任 編 輯	王 愛 榮 吳 瓊
封 面 設 計	范 一 辛 姜 嵩


出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	http://www.fhcbs.com
經 銷	鳳凰出版傳媒股份有限公司

印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換,電話:0519-82338389)



崇禎吳縣志（二）



（明）牛若麟 纂修

目錄

崇禎吳縣志(二)

.....

〇〇一

吳縣志卷之十九

壇廟

今甲有通祀而吳為附郭縣唯在境內者書之其先設後廢者亦載

府社稷壇在闕門外義慈巷宋置子城西南四里元改遷盤門外 本朝洪武三年知府陳寧更建於闕門外長洲縣

石牌巷宣德八年知府况鍾移置今所

吳縣社稷壇宋置縣治西半里元因之 本朝統祭於府壇

廢

吳縣志

卷之十九 壇廟

府雲雷兩山川神壇在盤門外一都宋建縣治西南四里元

徙葺門外長洲縣境 本朝洪武間移置今所弘治十四

年知府曹鳳知縣鄺璠重修

浦應祥重修山川壇記

祀事國之重典也禮天子祭天地諸侯祭山川卿大

祭五祀士庶人祭先祖名分各有攸係而其齋祓對越

之誠敷 精明之義蓋不以大小而有異也祀事其可

忽諸吾 名郡封內山川隸在吾邑弘治辛酉知府曹

公鳳將 事于茲而知縣鄺侯璠先期而往瞻顧揣度

曰有事則共為禱款過事則棄為草莽非所以敬鬼神崇國典亦非所以為國經遠之圖也爰請于公而

葺之景土地計從庸開闢方隅補益坎陷磐石為壇壝

甃石為周垣幽深闕遠廣衍嚴潔齋宿有居庖翟有處

高其門域固其扁鎖丹堊輝映品植森鬱望之而知重

祀之所在也合邑之士與夫知禮之氓咸曰侯之功施

于位者溥矣然不能以悉書此而不記何以昭休嘉于

永久哉胥命予文之以饒于石予稔知侯抱明敏之才

濟閭博之學而施以寬嚴威惠之政六職克舉而發植

奸伏有若蠶蠲所謂豈弟君子侯實兼焉六載洩吳監

司累旌異能侯益勤于政蓋勵志堅操邁名顧行觀其

所為有足徵矣更于其平日政事之餘掉鞅藝場遊刃

詞林殆有諸內而飾乎外非焚梓毀璞者比也茲略記

其名行之概俟他日負荷重任豐功偉績當有秉筆者

為之傳焉是年八月之朔長洲浦應祥記

吳縣風雲雷兩山川壇宋建於橫塘北元因之 本朝統祭

於府壇廢

邑厲壇宋建於白蓮橋內元因之 本朝附祭於郡厲壇

吳縣志

卷之十九 壇廟

二

洲縣虎丘山前因廢

鄉屬壇每里各置於本圖共五百一十所知縣蔣玉建

府城隍廟在武狀元坊內相傳為周瑜故宅即雍熙寺基洪

武三年建

吳縣城隍廟前代無攷 國初附像於府城隍廟之西廡萬

曆二十三年知縣袁宏道搆建儀門之右廟南向闢道繇

東而入與長洲縣廟相對天啓二年知縣萬谷春增建寢

堂崇禎十三年知縣牛若麟重加葺治

牛若麟吳縣城隍廟記

吳縣志

卷二 壇廟

七

粵攷城隍之神周禮不載至宋始為通祀窮鄉下邑有

城有隍者罔不立廟肖像奔走嚴事 高皇帝定鼎錫

天下城隍神封號府曰公州曰侯縣曰伯而都城則隆

以王爵後釐正祀典槩去爵封止稱某府州縣城隍之

神歲享設於壇不設於廟凡縣麗郡郭者並附府祭縣

不立壇則城隍之神似當統夫府而縣曷為又立廟邪

雖然 國制有司下車宿廟普詞而後受事遷擢則辭

朔望則拜明有陰陽表裏之責其典恭重郡有神則縣

亦有神矣矧郡之一城麗兩邑者疆土分轄民社各司

兩賜禳祥之仰庇明神任職變理則縣自立廟於義誠

協鳥容已乎唯吳縣城隍向無廟塑像於郡廟之西廡

不獲正南面人嗟神恫 肅皇之季大中丞宋公

儀望為令按堪輿言卜廟於縣治南溫將軍祠後拓其

址而兩峙焉迫於 召命戒行未果至 神廟中歲銓

部公安袁公宏道筮仕茲邑歎盼嚮之弗虔相郡廟坤

申之隅故有曠地可闢堂與鳩工庀材成於不日拾級

重門言言翼翼祗馳道繇東折旋而入蓋緣長洲神廟

亦倣吳例與構於左其外戶相嚮總攝入於府廟大門

吳縣志

卷二 壇廟

七

以存一城附麗之意規制既備神既轉殷迨矣知進賢

萬公谷春作宰增建寢殿齋廡益壯厥觀距今則風雨

剝蝕椽墮垣崩若麟迺易其朽腐而鏗琢之丹堊之俄

見庭下喬柯聳然挺幹神必妥靈若麟愧才謏編徭獻

獄就兢唯恐迷謬每默質明神辱顯示夢寐邇纂輯邑

志表微闡幽神更屢匡不逮懸贖典故不謀而集以存

全邑之文獻若夫福善禍淫彰報於五百里豈黎者殆

不足道已志成因撰記刻石壽梨以詔四境以告後賢

并紀往時興建之顛末崇禎十五年孟秋月朔

祠廟上

崇德報功歲修祀典縣因附郭府官主祀其簿正屬長洲而祠廟在吳境者亦書

至德廟祀吳太伯在閶門內東漢末興二年太守糜豹建於

閶門外或云韓整守吳所册唐天寶間狄梁公仁傑為採訪使盡毀

江南淫祠獨存此廟後梁乾化二年吳越武肅王錢元琫

移置今地宋元祐六年知州黃履素賜廟額曰至德元符

間制封至德侯崇寧元年知府吳伯舉請加上爵詔進封

至德王乾道初知府沈度重修於廟前建至德橋淳祐六

吳縣志

卷一 祠廟

四

年提刑潘凱撤兩廡儀衛塑像增繪仲雍季札二像侑泰

伯祀并敘其系自古公至友為三十世刻於石 本朝洪

武二年改封吳太伯之神定春秋二祭宣德五年知府况

鍾重修成化二十三年巡按御史張淮復加創作嘉靖四

十一年巡按御史陳瑞知縣秦崢重修萬曆十九年巡按

御史甘士价兵備副使江鐸知府石崑玉四十六年巡鹽

御史胡繼升先後葺崇禎二年知府史應選再修裔孫

南京尚寶司卿吳爾成出資成之

曾幾重修泰伯廟記

祭法聖王之制祭祀其應法者十有四皆古聖賢有大

功烈於民者非此族也不在祀典夫以聖賢有大功烈

而祀之固宜然祀有所焉其施於民厚厚施不報神其

不吐之乎報不獨牲牢酒醴而已千里之邦必有祠所

社稷則有壇先哲則有廟後世於廟尤極尊嚴崇像設

儼侍衛見之者粟如也水潦必祈早曠必所皆長吏之

嘗事應而有報亦事之嘗倘入其門陟其堂神所馮依

不足以障風雨區區尊鼎豈何施之厚而報之薄歟

吳門巨藩神祠載祀典者十數而泰伯廟為雄東漢末

吳縣志

卷九 祠廟

五

興二年郡守糜豹肇建於閶門外吳越武肅王錢氏始

內徙之國朝元祐間知府黃履歷考前政若梅詢若范

仲淹若孫覺輩淫潦有所靡不響答列其事於朝有詔

號至德廟崇寧元祀知府吳伯舉請疏上爵詔封至德

侯建炎擾攘鞠為灰燼厥後草創無以揭虔安靈今直

秘閣沈公度知府事至則訪民利病以次罷行之治人

事神罔不祇肅隆興二歲淫雨害楛民不奠居乾道改

元二月飭躬齋祗走祈祠下神顧饗之歲麥有秋府從

事請具牢醴以謝公曰不敢廢也然曷足以報於是邦

人合詞進曰侯之施甚厚而廟貌不治懼神或怒恫祥
慶弗下願悉力而改造之公曰是吾心也消日協辰得
夏五月庚戌吉乃致昭告乃鳩良工匠少府之餘合私
業之助環材暨甍櫛比墉崇宏舊基植高棟抗修梁藩
垣階所盡革而一新之塑繪之容若欣欣然有喜色民
無老稚相扶攜以觀厥成手加額曰美哉輪焉誠足以
塞民望而報神施矣風霽雨休禾則大熟秋九月甲子
落成幾就養府下目睹祈應爲不誣公屬紀其實既卒
辭弗復命若虛公之辱是終無以揚休事而告後人也

大縣志

卷二十一 祠廟

六

於是乎書左通議大夫充敷文閣待制致仕曾幾記

潘凱重修泰伯廟記

淳祐壬子春凱司臬於吳詰暴審刑罔敢怠弛既又懼
民之不見德也領事三閱月載以禮款泰伯祠願瞻徘徊
徇屋老苔荒喟然歎曰至德者百世祀吏奉弗虔何以
存古已而趨兩廡下土妖木魅詭形罔象遂以遙厲汗
以伎愚編氓荷福禍膜拜乞靈滋磨劬好勇之習仍斷
髮文身之說端委雍容之氣象執識之俗不美刑不清
良有以夫退惕然弗寧亟戒其屬曰崇明祀禮也黜非

鬼義也某日度材某日鳩工某日撤祠之非類者乃攻
乃葺乃像仲雍季札侑泰伯祀越月告成率僚吏三獻
焉烏乎世澆俗衰馬蠶貓虎之靈往往嚴事之鬼瑣奸
回尸而祀者肩相摩也豈復知禮樂鬼神之奧哉泰伯
之血此祠尚矣特以盛德至善民弗能忘堂堂之修不
修龐雜之屏不屏於至德乎何損乃若辨禮息刑宜尚
德化正人心而興民風者吏獨不任責乎昔唐狄公持
節江南毀淫祠千七百所置夏禹泰伯季札伍員四祠
凱視狄公無能爲役而是廟適在典領抑邪扶正不得

吳縣志

卷一九 祠廟

七

辭廟舊在閭門外錢氏徙今址故有祀田一十八畝今
益五十九畝有奇歲入粟五十有五石飯浮屠以守儲
其贏爲修祠備俾勿壞并敘其系自古公至友爲世三
十三刻之石論來者攷焉其年日南至承議郎直寶章
閣兩浙西路提點刑獄公事潘凱記

周忱重修泰伯廟記

宣德五年秋七月禮部郎中况鍾奉 聖書來知蘇州
視事之日吏以囚牘進見民之繫於獄者凡千餘人尚
爭務勝交相訐訟有經十餘歲未決者况乃姑置弗問

明日率郡父老祇謁泰伯廟見其堂宇傾仆垣墉頽圯
吏民奉祀弗虔乃喟然歎曰民不見德宜乎刑之不清
也是非郡守之先務乎即日命工度材撤其舊而新之
曰堂曰室曰門曰廡爲屋凡四十楹繚以周垣堅以甃
堊不十日告成復率父老潔牲醪祀於廟居人過客瞻
望咨嗟於是獄之繫囚交相愧悔曰泰伯以天下讓吾
輩所爭僅錐刀之末耳何重貽郡侯之差乎皆相與俯
伏庭下自服其辜不數日而獄以空予時奉 命巡撫
至蘇祇謁祠下父老以其事告且曰昔者狄梁公以冬
官侍郎爲江南巡撫使毀吳楚淫祠千七百所而此廟
則在所留而不毀去今千有餘年得吾郡侯葺而新之
巡撫使來適當其時吳民觀感興起自今其無復爭競
之風乎予乃登進其父老而告之曰方泰伯之奔吳也
斷髮文身示不可立然荆蠻義之從而歸之千餘家遠
端委以臨其民是欲辭富貴而富貴隨之及其後世夫
差紐於必勝窮兵黷武破越困齊欲伯中士卒之國亡
身戮妻子爲虜是欲求富強而失其富強矣然則吳地
數千年之富庶繇泰伯之三讓有以致之也其闕訟之

長縣志

卷十九 祠廟

八

成風亦繇夫差之好勝有以故之也爾民欲爲泰伯之
讓乎欲效夫差之爭乎一則廟食萬世一則貽譏千載
其得與失必有能辨之者孔子曰能以禮讓爲國乎何
有此予與知府期望於吾民之意父老曰善請以是爲
記遂書之石使四方之來謁者咸有所觀感而興起焉
豈獨蘇民而已哉是歲十一月望日嘉議大夫行在工
部右侍郎廬陵周忱記

陳音重新至德廟記

自泰伯逃於吳民戴其德以有國傳二十餘世而越始

長縣志

卷十九 祠廟

九

入吳吳人懷泰伯之德不忍其弗祀也東漢吳郡守糜
豹建至德廟於閭門外以慰民懷歷六朝至隋而唐狄
梁公巡撫江南盡毀諸淫祠而此廟特存五代時錢武
肅王徙廟城中有宋諸名公吏吳者凡有禱輒應焉
國朝宣德間知府况鍾伯律因舊廟修之凡爲屋四十
楹閱歲久復弊頃監察御史張淮字邦鎮奉 命按吳
祇謁廟下病其弊且隘也撤有司撤而新之堂廡門垣
之制雖仍乎舊而高敞宏廓則視昔有加矣於乎天生
民有欲易爭爭想利與名耳利莫大於有天下泰伯以

天下讓不欲自有其名此其所以爲至德而孔子稱之
後世雖微利輒爭輒自以爲是而加不美之名於人
小者廟訟以犯於有司大者與兵戈以糜爛其民是其
泰伯之罪人哉泰伯之後壽夢欲傳位季札亦猶太王
欲立季歷之意也諸樊餘祭餘昧不能如泰伯仲雍之
讓吳於是乎不競閭廡夫差復好大喜爭竟召甬東之
辱以底於亡嗚呼始以讓而興終以爭而亡民之鑒於
是者尚宜慎所趨哉夫民之趨舍繫乎上上好廉則墨
者息上好直則佞者阻上好讓則爭者愧邦鎮厭吳民

吳縣志

卷十九

十一

陳鑿重修泰伯廟記

自古夷有別俗視中國異勢也吳古荆蠻地其俗亦當
類此今尚禮敬崇信義聲名文物甲於天下其變而之
道豈無所本耶泰伯謹國居吳民義之皆化而爲善蓋
當是時已變於夏矣孔子曰能以禮讓爲國乎何有信

哉不爾則至今左衽未可知也祭法曰以勞定國以死

勤事則祀之能爲民禦大災捍大患則祀之非是族者

不在祀典功德在吳孰有大於泰伯者哉廟祀之重宜

莫先之漢永興中糜豹守吳建廟於金閶門外至吳越

錢氏改建於吳趨坊北今廟是也自宋以來風雨毀蝕

修葺凡幾嘉靖壬戌御史陳公瑞持斧按吳時值大潦

之後民幾魚鼈公至撫綏調度民得更生如就衽席之

安不忍釋去相與具疏乞爾 上可其奏巡按居吳者

二年洞悉民隱凡興利除害靡有闕遺雖橋梁道路小

吳縣志

卷十九

十一

有病民者皆平治之至於廟宇壇廟無不留意一日謁

泰伯廟見殿廡不葺無以安神棲論其世孫曰汝祖有

大功德於吳豈言諸有司論百姓曰泰伯開國於茲無

國則無汝以汝視之皆祖也忍坐視乎論有司曰周家

八百肇基於此天下所共德豈惟吳民乎與諸君當共

圖之乃括贖緩若干餘帑若干檄知吳縣秦君崢董其

事於五月鳩工九月落成廟貌一新神人胥悅先是未

嘗不修多粉飾以爲美觀不禁歲月公以實心御下人
不敢欺有司奉行德意百凡工料皆務精美不徒虛文

予家與廟鄰瞻視密邇歎曰泰伯有大功德於吳陳公可謂大有功德於泰伯矣遂序而書之於石

史應選重修泰伯廟疏

余奉 命守吳既庭見僚屬吏民恭謁 文廟章縫之士幾滿學宮彬彬濟濟固大國之風也因進而諮詢典故問吳之開國化荆蠻爲文教者伊誰之功亦足徵獻否諸生環揖而前曰微大夫言諸生願有請也我吳古稱荆蠻地自泰伯偕弟仲雍來處此名曰句吳緣是風氣漸開人文日起歷世二十有公子札表著海內冠帶

吳縣志

卷九 祠廟

五

之國莫之與京然則泰伯實全吳開荒主也而其子孫僅延一綫之緒前代世崇廟貌以安先靈而皆沒於豪強兼併之手茲者頽垣殘宇歲邀血食庖漏廊廡無一存者神人恫莫此爲甚嘗謂魯論以至德歸泰伯而贊其民無得而稱夫德而極於無稱斯其所以爲甚至於以天下讓其事甚隱微獨當時不知卽後世亦莫有知其然者迄於孔子始章明之較之夷齊讓國而有其名者超乎不可及矣矧徵之祀典有功於民則祀之追念先烈功就有大於是者今信如諸生言是誠守臣責

也遂具少年致祭往相度焉去郡治三里而遙遺廟斯

在而仰視椽桷俯視几筵不覺愾然心動也蓋廟址在金閭闔閭之地水陸出入必繇宜乎追本尋源崇宏敞麗乃基廣不踰五畝而祠宇剝落門廡傾頽豐碑滅沒乎雨雪礎石侵蝕乎荒烟問誰主宅則裔孫世青其矜比於鄉邦之賢沒而崇祀者典不加隆焉嗚呼 聖朝崇德報功邁越前代豈人文首善之邦顧有是缺典歟乃參攷故實知始未嘗不愆飭而後漸陵夷按籍本廟創於漢桓帝永興二年舊址在聞西雁蕩村之南爲畝

吳縣志

卷九 祠廟

五

一百九十有三爲殿亭門廡堂室三百一十有五迨至有唐狄梁公奏毀天下淫祠一千七百而此祠與大禹季札伍員諸祠歸然獨存五季錢武肅徙於此爲畝五十八有奇爲殿宇門廡亭室一百八十有奇東至柳毅橋坊曰成吳西至延慶橋坊曰歸化松栢杉檜環以清波其祀以王爵而世襲奉祠侯一人比於小國附庸之主給澼掃祇應者凡百戶入我 國初專以五等酬武功子孫 詔改奉祠侯爲五經博士仍予世襲 詔且下矣顧後裔式微至不能具道里費惟時守土莫爲

勸駕而當事者不修廢官致虛 聖祖庸勤至意惜哉

今 上神明聖武興廢舉墜天其或者有待乎然而土

木藻繪之役則不但有力者當思擔任而凡有人心者

皆當思所以協助而樂觀厥成矧吳姓肇自秦伯今散

處省郡者雖各分爲小宗而水源本末能遺忘其鼻祖

乎此又不待感愴激勸而勃然興起者聞予言定當不

日成之矣雖然是予責也前知府事況公鍾來蒞是邦

力請於巡撫周文襄公而鼎新之予將安諉顧茲物力

凋疲卽捐俸錢繕葺無幾而工費浩繁支吾無計不得

吳縣志

卷二十九 祠廟

四

已作是語付之守祠者且不願三吳之鄉紳士庶頓忘

厥初其各視力之差等以相與有成期於周圍勝事是

亦郡長吏恥獨爲君子之意云爾

皮日休咏秦伯廟

一廟爭祠兩讓君幾千年後轉清芬當時盡解稱高義

誰敢教他莽草臣

陸龜蒙咏秦伯廟

故園城荒德未荒年年椒奠濕中堂邇來父子爭天下

不信人間有讓王

張詠秦伯廟詩

至德本無各宜尼以此評能將天下讓知有聖人生南

國奔方遠西山道始亨英靈豈不在千古大江橫

高啟至德廟作之荆操

粵我有土岐山之下孰是營之維我考祖今我于邁自

岐徂荆豈不懷歸念我弟兄民勿我思我思安只國已

有后先君季子

周南老至德廟

句吳始封君實周之長宗三以天下讓去國何從容君

吳縣志

卷二十九 祠廟

五

親義兩全讓固德愈崇荆夷東海隅黎庶咸來從遂令

千載下至德歌遺風周祚亦云竭廟食終無窮

復聖祠在楓橋西十里祀 聖配顏子宋元豐八年裔孫知

長興縣顏長民奏言顏氏子姓多游吳中倡明正學宜立

專祠奉祀 復聖詔蘇州知州林希逸與構莫主宣和元

年裔孫顏爲顏孚顏采顏安時顏天選相繼舉進士白之

平江知府樓昇奏發官緡加闕隆興元年裔孫進士顏度

修并柵家廟於城西南嘉泰二年裔孫進士顏應顏叔淵

顏叔玠顏叔瑤於祠內建四勿堂屢空室知府張抑書扁

嘉定十年知府趙彥楮內外葺治廟裔孫進士顏復顏傑
共董厥成咸淳九年裔孫進士顏元煥顏志立再修元季
圯僅存家廟 本朝成化二十年裔孫工部郎中顏涇請
之巡撫都御史彭韶檄吳縣知縣陳振重建正德元年裔
孫廣西僉事顏林修嘉靖三十三年倭亂專祠家廟並燬
崇禎十三年知府陳洪謚知縣牛若麟修舉祀典郡紳凌
漢紳等助貲鼎建十四年裔孫進士顏俊彥復葺家廟巡
撫都御史黃希憲題額

蔡懋德 復聖祠重建記

吳縣志

卷之九 祠廟

六

聖賢之道無日不大出於天下而天下之崇報亦無所
不至自通都大邑以遠窮陬僻壤庠序黨塾罔不嚴事
而聖賢之苗裔散處天下所至必立專廟懋德昔官儀
曹備稽往牒已視學江右則凡先儒過化存神之地皆
崇鬼宇莫主妥靈司風化者輟車至止即趨展謁而況
大聖大賢開千古道學之緒善世淑民所胥賴者乎吾
蘇越在南服然秦伯變俗而誦法聖賢者日漸月盛家
戶詩書趨宋以後子姓來觀來游樂其清嘉而托處焉
挾策登朝奏允各建專祠家廟故孔於許墅孟於東城

顏則楓橋與顏家場相望場以姓呼則族屬之繁可知
已廟始於元豐之間裔孫知長興縣長民特上劄子而
宜和隆興嘉泰嘉定咸淳繕葺相踵而出官緡錢以集
事者知州林公希逸知府張公抑趙公彥楮也積俸鳩
工助襄厥祠者裔孫進士爲孚度等數十輩也祠中堂
莫主旁建四勿堂屢空室名公紀頌頌鼎林立建炎金
兵猶尊聖賢不敢蹂躪胡元之世俄厄於火木石俱灰
今所存典實徵之譜乘蓋彰彰耳入我 明成化二十
年裔孫工部公涇白之巡撫彭公韶知吳縣陳公振措
鏗庀材門堂齋廚以嚴以翼詎謂倭夷內訌馳驟楓津
而烈焰一騰專祠家廟並爲煨燼閱八十餘載孔孟二
祠南北燬燿而顏祠未復何以振起斯文會分宜黃公
希憲巡撫至吳崇正黜邪修廢舉墜而郡守陳公洪謚
縣宰牛公若麟仰承德意殫力興復郡紳侍御凌公漢
紳題冊疎金簪佩袷不謀而集甫三月而輪奐一新
俎豆整潔遶裔之賢曰繼道牒請於學使張公鳳嗣隸
各宮牆爲復聖主鬯駿奔俎豆左右咸宜隨節祠費之
贏謀備家廟復祀田歲供粢盛兼充修繕庶幾無累公

吳縣志

卷之九 祠廟

七

家則齋孫節推公俊彥以制科巖望實重厥成懋德聞而喜曰昔顏夫子簞瓢陋巷不違如愚全克復之功泯遷貳之念獨得宜聖心傳而天限以年世食厚報烝嘗崇奉奕間邇遐祇後裔之在吳者代產才賢而斯祠之興而廢廢而興必繇於 哲后名卿人事相轉洵不誣爾茲鑒前慮後吾知其必無墜墮也謹誓此以授主祀俾鏡之石崇禎壬午仲春月望

吳相伍大夫廟在胥門內朱家園卽舊靈順行祠先於盤門內永昌武大王廟祭享繁盛相傳以爲伍公廟宋建中靖

吳縣志

卷一九 祠廟

六

國元年直秘閣吳伯舉知蘇州率吏民營繕告新奏賜額英烈元大德三年嘗著靈異特增爲忠孝感惠顯聖 本

朝成化十五年廟圯巡按御史劉魁知府劉瑀重建萬曆四十年裔孫參議伍袁萃呈請臺司府縣移置今所廟設兩廡後寢樓左牲所齋房前闢重門建坊表極爲壯麗

鄭元祐忠孝感惠顯聖王廟碑

孝莫大於雪父讎忠莫大於以死諫能養志者孝矣而忠未之間能尸諫者忠矣而孝莫之顯故兼全忠孝者自昔以爲難至於王者而忠孝全節昭映千古論者謂

王脫身不死所以爲父至其捐身必死所以爲君若夫求忠臣於孝子之門則王是也故迄於今幾二千年不特焜耀史牒與夫廟食不毀至於樵童牧豎亦莫不知王之爲烈也夫吳自泰伯以來隱約荆蠻謂其城邑不過三里而縱民耕耨其間則文身斷髮自同俚俗鼃黽與渚不異蠻民及王身事闔閭君臣志合迺擴其小而大是闔屏其陋而明是向乃爲之築城郭建宮室實府庫厲兵戎使吳自拔於蠻夷而盟會於上國者大抵皆王之功也於後吳雖盡入於越而吳人思王不忘於是

吳縣志

卷一九 祠廟

九

建廟於盤門裏城之西隅圖經與州縣祀版皆謂雙廟一爲永昌武定王一爲福順賢德王若邦人與學士大夫自昔相傳則皆以爲子胥廟所謂福順則常州陳烈帝異代異邦而吳人所以祀烈帝者當吳越錢氏有國時崇報之請也若王忠孝傑然自宜專祀故唐贈右相狄文惠公持節巡撫江南棄毀淫祠小廟千七百所獨存夏禹泰伯延陵季子并王四廟夫王德化自後漢太守糜豹按行境內其功曹唐景曰處家無不孝之子在朝無不忠之臣藹乎其言莫之尚也皇元大德三年王

嘗顯靈以止浙江之怒潮於是推贈王爵至正十二年
廉訪僉事遼東李公書吏絳州屈臣巡按吳下力爲吳
民繕完城郭已而御史臺檄專以築城事諉之庸田僉
事沒儀馬公二公念爲吳建邦故土首築城池者王之
功莫大焉今重築於二千載之後大工大役必祈神祐
庶幾盲雨颶風不爲之害待畢日當爲王重建廟貌以
爲神庥之報今城果完廟不可不作也乃作王新廟於
胥門之上按郡乘昔王嘗宅於其傍故城門所繇名夫
王之英靈且將與三光五嶽之氣併爲久遠則於助順

吳縣志

卷十九 祠廟

三

福國何間遠近而況於王之故宅與王之故園也哉廟
成適爲迎享送神之詩以落之詩曰胥門峯峯新廟攸
作神傾茲邦昔我是攬雲旗徘徊下窳廓今神宮肇啟
有醑醜美神其願歆醉飽以喜民安盜弭降福祉兮神
之歸兮躡層雲山矗矗兮水沄沄金支孔蓋光續紛素
車白馬還天閭年登穀稔今神賜者侈樂神無窮兮自
今伊始李公名善字仲善馬公名忠字元臣監郡則六
十公字子約總管高公名履字德基

王懿伍相廟碑

吳之先介在蠻夷不與中國通者十九世自巫臣來歸
而後知射御季札出聘而後得覩周樂及子胥來奔以
闔閭伯按舒伐越滅徐入郢之舉楚國幾墟黃池之會
遂冠帶以主夏盟吳之進也非公則誰使之世皆咎夫
差不能用公子獨歎闔閭知公而不能也栢舉之戰
春秋許其與中國之憂而責隨必以周室爲請其所仗
可知矣使禁兵輯民挈全楚歸之周則是役也秦必不
敢救楚可滅吳可強於天下惜乎籍館返夷春秋復夷
之此則闔閭群臣之罪非公意也夫豈獨非公意將必

吳縣志

卷十九 祠廟

三

力爭而莫之聽也然吳自此遂通上國至於今禮樂財
賦甲天下非公則誰啟之是故自春秋言之則以夷子
夏自今日論之則以夏變夷其有功於吳大矣論者又
謂公於楚仇不當報於吳諫不必死不知公蓋聞世之
豪英邁之氣自信不惑志在親則親重故可以死親重
不死不死以有待也志在君則君重君重故可以無死
而死死之以卽安也此豈世之覲覲者所及知哉公之
廟食於吳也久成化庚子盤門廟災高唐劉君魁以御
史按吳命新之予以公忠孝大節昭焯今古而功在吳

尤大也故碑於廟銘曰烈烈英豪楚材吳用茹怨銜辛
遵晦時動一舉人荆我仇斯復賊豔爲奸吳亦旋覆越
兵之來有材墓槨公雖云亡有不亡者曷不勸之素車
白馬出沒潮頭升降於天廟食於吳彌千萬年

梁簡文帝弔伍相詩

立國資存本循忠全令名舟裏多奇計蘆中復吐誠偃
月交吳艦魚麀入楚兵九功推妙算千載籍餘聲洪濤
猶鼓怒靈廟尚淒清行潦承椒莫宮懸雜鳳笙無勞晉
后壁詎用楚臣纓密樹臨寒水疎扉望遠城隍寒野霧
入衣帳積苦生惟有三春鳥敘翅時逢迎

張詠謁伍相詩

胥也應無憾至哉忠孝門生能酬楚怨死足報吳恩直
氣海濤在片心江月存悠悠當日者千載祇慙魂

高敏弔伍相祠

覽句吳之故墟兮灌莽鬱其籠從館娃廢而爲沼兮歸
伍胥之遺宮吳千祀而弗毀兮繫若人之死忠昔窮達
而渡江兮奮孤跡於羈旅旣入郢而雪恥兮又樓越而
樓侮使彼吳之強大兮非夫子而孰爲何夫差之自喜

兮遽忽戒而荒俟陳昌言之惘歎兮寔不忍視國之隳
危來以于爲匡信兮肆譏辭之詆欺夫豈不能全身遠
適以自庇兮顧先王之舊德卒待隕而何言兮恨終不
能寤君之變惑載鴟夷兮浮游魂惴惴兮在中流江神
爲子兮哀憤鼓洪濤於高秋嗟君子之出輔兮孰不願
爲伊臯使言從而志行兮致雍熙之陶陶何齟齬而多
患兮惟重華之不可以屢遭鄂侯諍而就醢兮龍逢諫
而見屠蓋自古而有之兮非夫子獨罹乎此事身雖歿
而義安兮又舍是將焉索彼循默而苟容兮寧獲免乎

沈頴想子猶念夫故都兮或乘雲而來歸傾荆棘之多
露兮應攬涕而歔歔余亦何爲而感慨兮懼直道之墜
也聊陳詞而表烈兮亦邦人之志也

沈周謁伍相祠 二首

忠臣有廟千秋祀霸業無蹤一餉烟入暮靈風猶颯颯
侵階細草自芊芊存亡好在鴟夷內慚愧當於帳目前
倚壁題詩重惆悵寒鴉飛散夕陽天

城頭伍相祠堂好眼見香爐生紫烟吳沼已成花寂寂
楚陵何在樹芊芊一時遺事千年後此日清談斗酒前